


IKUSPEGI BAROMETROA, 2009

Elkarbizitza, hautemandako integrazioa eta immigrazio-politika

Oraingo begirada honetan, 2009ko Barometroko datu berriak aukezten dira eta ekainean emandakoak osatzen dituzte. Ordukoan, kultura-aniztasunaren kudeaketari buruzko datuak, eta euskal identitatean eta ekonomian izandako eraginak aztertzen bagenituen; orainoan, berriz, atzerriko etorkinekiko elkarbizitza, haiekiko enpatia, hautemandako integrazio-maila, eta EAEn zer immigrazio-politika ezartzea komeni litzatekeen ditugu aztergai.

1. Elkarbizitza


Zure ustez, EAEn, bertako eta atzerriko biztanleen arteko harremanek hobera egin dute azken urtean, okerrera egin dute, ala berdina daude?




- Oro har, EAEko biztanleek uste dute atzeritarrekiko harremanetan ez dela aldaketarik izan (%62,6).
- Hala ere, gehiago dira harremanek okerrera egin dutela adierazi dutenak (%19,3), eta hobera egin dutela diotenak baino (%14,2).

Esaten badizut emakume etorkin baten irudian pentsatzeko, zer nazionalitate, herrialde edo jatorri datorkizu burura?

- EAEko biztanleei emakume etorkinari buruzko irudiaz galdetzen diogunean, jatorri hegoamerikarra duen emakumea irudikatzen dute gehienbat, errealitateko datuekin bat datorren irudia, alegia.




Nola ikusten dituzu atzeritarrak, bertakoekin alderatuta?



- Oro har, EAEko biztanleek iritzi ona dute atzerriko etorkinei buruz; baina bada salbuespen bat: etorkinak bertakoak baino matxistagoak direla uste dute.
- Herritarren iritzia apur bat txarragoa da iazkoa baino.
- Hala ere, EAEko biztanleek bertakoei buruz duten iritzia atzerriko etorkinei buruz dutena baino zertxobait hobea da.


Ondo ala gaizki iruditzen zaizu atzerritarrek...?



- EAEko biztanleei ondo iruditzen zaie atzerriko etorkinek beren dendak eta jatetxe exotikoak irekitzea, eta ondo ikusten dute, halaber, beraiantzako janari-denda bereziak izatea edota beraien hizkuntza erabiltzea.
- Ez zaie gaizki iruditzen etorkinen artean beren jaioterriko janzkera erabiltzea edota beren elizak eraikitzea.
- EAEko biztanleek, ordea, ez dute atsegin atzerritarrek seme-alabak hezteko beraien ikastetxeak izatea, ez eta plaza nahiz espazio publikoak hartzea ere.

Kezkaturik al zaude atzerriko pertsona gehiagoren etorrerak zuregan edo zure familiarengan eragin ditzakeen kalteengatik?

- EAEko biztanleak bereziki kezkatuta daude atzerriko pertsonen etorrerak haien segurtasun pertsonal eta familiarrean eragin ditzakeen kalteengatik.
- EAEko hainbat biztanlek uste dute, gainera, atzerritar gehiago etortzen badira, horrek kalteak ekarriko dizkigula gure ongizatean: %38-%49k uste dute zailagoa izango dela gizarte-laguntzak lortzea, ospitaletan gehiago itxaron beharko dugula, etxebizitza eta lana aurkitzen gehiago kostako zaigula, eta soldata urriagoak izango ditugula.
- Erantzunen arabera, atzerritarren etorrerak ez du gure irakaskuntzaren kalitatea arriskuan jartzen, ez eta gure kultura-identitatea ere.




- Iritzi orokorra da herritarrek errezelo eta erreparatu gehiago dituztela iaz baino.

2. Enpatia eta hautemandako integrazioa

Esadazu, arren, zenbat atsegin dituzun honako herrialde edo eskualde hauetako pertsonak (0-10 eskalan; 0 = ez ditut atsegin, 10 = oso atsegin ditut).

Etorkin-taldeak aipatzea zaila bada ere, zure iritziz, zenbateraino integratu dira honako herrialde edo eskualde hauetatik etorritako pertsonak (0-10 eskalan; 0 = ez dira batere integratu, 10 = guztiz integratu dira).




EAEko biztanleek adierazten dutenaren arabera, etorkinen integrazio-maila haienganako begikotasunarekin erlazionaturik dago:

- Gertutasun kultural, politiko eta sozial handiagoa duten kolektiboak integratuago daudela hautematen dute, eta atseginago dituzte.
- Magrebtarren, Ekialdeko Europako eta asiarraren kultura eta gizarte desberdinagoak izanik eta/edo haiei buruzko aurreiritzi gehiago dagoenez, handik etorritakoak ez dituzte hain integratuta ikusten, eta ez dituzte hainbeste atsegin.

3. Harremanak


Bizitzeko lekua aukeratu beharko bazenu, hiru aukera hauetatik zein hartuko zenuke?

- EAEko biztanleek nahiago dute norberaren talde etnikoko biztanleak dituen auzo batean bizi, non soilik pertsona batzuk diren beste arraza edo talde etnikoak.



- Beste arraza edo talde etniko batzuetako biztanlerik ez dagoen lekuan
- Beste arraza edo talde etniko batzuetako zenbait pertsona bizi den lekuan
- Beste arraza edo talde etniko batzuetako jende ugari bizi den lekuan
- Ed/Ee

Hemen, EAEn, bizi zarela, zenbat denbora ematen duzu aisialdian beste herrialde batzuetako pertsonekin?




- Inoiz ez
- Noizbehinka
- Maiz
- Askotan
- Beti
- Ed/Ee

- Lautik batek adierazi du ez duela inolako harremanik atzerrikotarik pertsonekin. EAEko biztanle gehienek noizbehinkako harremanak dituzte atzerrikotarik.
- 2008koaren aldean, handiagoa da euskaldunen eta atzerriarren arteko harremana aisialdian.

4. Immigrazio-politika


Txartel honek dioena irakurri, eta esadazu zenbateraino zauden ados hor ageri diren esaldiekin.



- Euskal gizartea tinko ageri da krisialdi ekonomikoaren aurrean: gehienei ez zaie iruditzen lanik gabe geratu diren langile etorkinak hemendik bidali behar direnik.
- Hala ere, krisia igartzen da: toleranteen kopurua jaitsi egin da, 2008an % 65,9, 2009an % 53,8.
- Lege-hausteei dagokienez, ordea, euskal gizartea zorrotzagoa da: gehienek uste dute delituren bat egiten duten etorkinak kanpora bidali behar direla.

Zure iritziz, zer egin beharko luke Gobernuak etorkin "irregularrekin"?

- Oro har, euskal gizarteak lan-egoera eta langile atzerriarren onarpena uztartzen ditu, eta lanean diharduten pertsonen egoera erregularizatzearen aldekoa da; lanean ari direnei hemen bizitzeko baimena ematearen aldekoa, alegia.




- Etorikin guztien egoera erregularizatu
- Lanean dihardutenen egoera soilik erregularizatu
- Jaioterrira itzul daitezkeen lagundu
- Paperik gabeko guztiak kanpora bidali
- Ed/Ee

- Lotura hori gero eta handiagoa da: 2008an % 45,8k bakarrik lotzen zuen erregularizazioa lanarekin; aurten, 10 puntu igo da kopuru hori (% 55,8).
- Gutxiengo batek soilik ditu jarrera gogorrak: %9,7k adierazi du egoera irregularrean dauden etorkin guztiak bidali behar direla.

Eta, asilo politikoa eskatzen duten etorkinen kasuan, zer egin behar dela uste duzu?


- Oro har, asilo politikoa eskatzen dutenei babesa ematearen alde ageri da euskal gizartea, batez ere jazarpena jasaten duten atzerritarrei.
- Gutxiengo batek soilik adierazi du ez zaiela inoiz babesik eman behar asilo politikoa eskatzen duten atzerritarrei.



- Eskatzen duten guztiei babesa eman
- Babesa eman, jazarpena frogatuz gero
- Urtero eskatzaile kopuru jakin bati babesa eman
- Ez inori babesik eman
- Ed/Ee

5. Zerbitzuak izateko aukera

Zure ustez, EAEn bizi diren etorkinek doan izan behar al dituzte zerbitzu hauek:...



Etorkinek eskura eta doan izan behar dituzten zerbitzuei dagokienez, EAeko biztanleek nahiko jarrera murriztailea dute:

- Euskal gizartea zatituta dago: batzuk zerbitzuak immigrante erregularizatuari mugatzearen aldekoak dira eta beste batzuk denei zabaltzearen aldekoak, batez ere integrazioarako (asimilazioa) baliogarriak diren zerbitzuei dagokienez.
- Hala ere, murriztaileagoak dira itxuraz eraginkortasun txikia duen zerbitzu batekin: % 23,1ek ez du onartzen ama hizkuntza ikasteko eskolak doan izatea.

Ondorioak

- Datuek adierazten digute EAeko biztanleek jarrera anibalentea dutela atzerriko immigrazioarekiko: zenbait alderditan oso jokabide irekiak ageri dituzte, eta beste batzuetan, aldiz, jarrera itxiagoak nabarmendu dira.
- Edonola ere, azken urtean herritarren jarrera gogortu egin dela ematen du, kritikoagoa dela eta atzerritarrekin apur bat estuagoa.
- Immigrazio-politikak eta lan-egoera uztartzeko jarreari eusten dio euskal gizarteak. Beste ikerketa batzuek joera hori adierazi dute, eta oraingoa bildutako datuak ere ildo beretik doaz.
- Kulturarteko elkarbizitza-eredurik ez da ageri. EAeko biztanleek asimilazio-eredu baten aldeko joera dute, atzerriko etorkinei eskatzen baitiete ahalegin handiena egiteko, integrazioa errazteko bidean.
- Atzerritarren etorrerak sortzen dituen kezka eta errezelo gehienak euskal gizartearen ongizate-mailari eusteko gaitasunari buruzkoak dira.
- EAeko biztanleen kezkak pizten dituen beste auzi bat herri-segurtasuna da; izan ere, estereotipoei jarriki, atzerriko immigrazioak herri-segurtasunean eragin handia duela uste dute.



Immigrazioaren Eusko Berriketa
Centro de Estudios de Inmigración



EAeko immigrazioaren inguruko informazio gehiagorako kontsulta ezazu gure web orria: www.ikuspegi.org

Behatokiaren beste zerbitzu batzuk ere zure esku daude:

- **Dokumentazio zentrua:** kontsulta zerbitzua eta liburutegi mailegua eskeintzen ditu.
- **Informazio estatistikoa.**

Gurekin harremanetan jartzeko:

Tlf.: 94 601 82 75

Fax: 94 402 35 40

e-mail: info@ikuspegi.org

Postaz eta pertsonalki helbide honetan aurki gaitzakezu:
Alameda Mazarredo 39, 4.C, 48009 Bilbo - Bizkaia